

اسلام دنیایی

سنہ	۲۵	رمضان	۳۳۱	عدد
۱	۱۴	آگستوس	۳۲۹	۱۳

تمنار مردقبه سزه اسکی دویغولری اخطار ایدر .

قونفرانساره مداوم معلم رفیقار مدن بعضیلری اسماعیل حق بکک همان عینی موضوع اوزرینه ویردکاری متعدد قونفرانسارله نایمک ایسته . دیککی آرتق اکلامش اولدقترینی، فقط مردرسک اصول تدریسی حقنده کی او متنوع قواعدی هنوز کاملاً احاطه ایده مدکارینی اعتراف ایدیورلر .

بوندن طبیعی برشی اوله ماز . اولکی رفکرده ؛ اوقدر بر دفعه ده اولامه ، بر قاج دفعه ده آکلاشیلیر . فقط ایکنجی تطبیق در ، عمل در . بونک ایچون بالکیز قونفرانس ویرمک کافی دکل ، وسائط ماده سنی ده بر طرفدن حاضر لاملی . مثلاً هر فک طلبه و معلمینه مخصوص کتابلری ده یاپیلیدر .

بوکون مکاتب ابتدائیه مزده تدریسه اولور . برکتباز یوقدر ، دیسه مبالغه ایتمش اولام . توالستوی کی عصرک فریدی بر حکیم ذوقنون الغبا یازسون ، قرائت . حکایه کتابلری یازسون و بونی مهم خدمت ملیه ، وطنیه دییه تاقی ایتسوزده بزم ارباب اختصاصی نه دن بو خصوصه رغبت ایتسوزون ؟ بومسئله ، به داغوغلرمزک جدآ انظار ابتصاری جلبه لایق برمسئله معضله و مستعجله در ؛ طننده یز .

معلم

ع . س

تصحیح - کچن مقاله مزک بر برنده (۳۵۰)
یرینه (۲۵۰) دیزلمش اولمقه تصحیح اولنوردر .

ع . س

هندستانده جوامع مسافرلری

جوامع شریفه و مقامات مبارکه من القدیم اسلامینده زمان سعادنده دخی من جهة عبادتخانه و من جهة درسخانه ، دارالعلوم و مدارالقنون اولدینی کی بر طرفنده ممالک اسلامی ده جولان ایدن سیاحین ایچون مسافر خانه و دارالغربا ایدی . معیت سنیة حضرت رسالتپناهیدن اصحاب صفه نامیله توسیم اولتمش ذوات محترمه که مسجد نشین فقراء پیغمبری ایدیلر .

بو عادات حسنه ده الی لآن بالاده دخی سراراً ذکر اولدینی کی ، ممالک اسلامی ده اکثرنده عموماً ، هندستانده خصوصاً مساجد شریفهک بینه مسافر خانهک جهتی باقی اولوب اکثر غربا و مسافرین کوندوزلری تمامیله و کیچیلری ده نصف الیه قدر بینه مسجدلرده یاتوب قاقیورلر .

هندستانده بو مسجد نشین غربا احواله دقت اولنورده نظر اعتباره آلتورسه ، بر جوق اسرار نمایان اولور . بک جوق عبرت آمیز حائلره تصادف اولنور . بن بو مسجد قوشلریله برابر آیلرجه دوشدم قانقدم ، بونتر آراسنده فی الحقیقه کیم اولدینی و نصل آدم اولدینی بیله من بو - بونون مجهول آدمارده اولدینی کی ، بعض فلاک زده ، دنیا بدله لرمده تصادف اولنور . بونتر ایچنده غایت عالم و تحریر زمان دیمک شایان ذوات کرامده وار .

بن بومبای جوارنده کوی وقریه مسجد - لرنندن برنده بر ذات محترمه تصادف ایتدم ، بو

ذات ابتدا کندی قاضیه و ثانیاً وجاعتیله دقعی جلب ایتمشدی ، برمدت مصاحبه اشناسنده فضل و کمالیله دعا زیاده حیرتمی موجب اولدی . بالکیز برکوملک ایله منستر ، اما سیاسی غایت نورانی آرتیق مسن فلانده دکل ، سوزلری دانه دانه کندیبسنده اثر فقاقت نمایان ایدی ، بر قاج دفعه لر صحبت بعدنده بر ایکی مسائل فقهی دن سوز آچدییم زمان مشارالیه حضرتبری بر آز تأمل بعدنده : ابتدا فقها مذك مسلکنی بیان ایدمرك متقدمین فقها ایله متأخرین فقها بیننده مسلکاً بر نسبت بوله میورم ، ابتداء اسلامیتده فقهاء اسلام دها سربست و دها واسع مسلک تعقیب ایتمشله ایکن ، علماء متأخرین بالخاصه فتوایی عاداتنا تحت انحصاره آلمشله در : بنم فکر مده فتوی حوادث زمانه تابع اوله جفی یرده یا که تطبیق اولمه جق ایکن ، بزم علماء کرام رحمهم الله حوادث زمان یا که وقوعات جاری ، بیک سنه مقدم ویرلمش فتوایه تطبیق ایتمک فکر بنه ذهاب اولمشله . او حالده مستقبله نه حاجت . علمانک نه لزومی وار ، بر آز عربجه بیلنلر اسکی فتوایری ترجمه ایتملی ، هر کسک الک ویرمه لی ده : و ایشنه سنک حیات پروغرامک بودر ، دیملی . اگر سز گده فکر کز بزم مولوی صاحب فکری کبی ایسه نافله بو کبی مسائل دن سوز آچایکیز . سزده مسلمان ، بنده مسلمان ، الحمد لله ، السلام علیکم وعلیکم السلام ، طانی طانی محبتلر ایدم ، پان ییلم . سز کندی ولایت و مملکت کزده نه ییوب ایچدی ککیزی آکلات کز . بزده هندستان میولرندن فلانلرندن

خبر و بره یا که ، اخوت دینه مزه زیانلر دو قیاسون بز بو کبی دینی مسئله دن بر قاج کله سوبلیه جک اولورسقی ، هیچ شبهه یوقدر که ، یا سز بی تکفیر ایدم جکسکیز ، یا که بن سزی ، بزم بتون علممزم و معلومانمز یکدیگر مزی تکفیر و یا تضلیل ایله منتج اولیور .

شوالده نه لازم سز بر غریب ، بن ایسه ذاتاً مأیوس بر حالده بونیورم . قلم منکسر ، سزک کبی بر غریب قرده شیمی رنجیده ایتمک ایستهم .

بوسوزلر بکا آجی کلدی ، همده بو ذات محترمک طرز بیانی بوسوتون حیرتمی موجب اولدی . اوزونجه بر سکوت بعدنده دیدم : حضرت الاستاذ! بن بر درجه سزک مسلک کیزی آکلادم ، فکر کزیده تخمین ایستدم . بالکیز طرفدن جزئی بر اخطاره لزوم حس ایدیورم : « بن کما حریت ایله فکر کزیدن استفاده ایتمک ایسترم ، کندیجه مهم ظن ایتمیکم بر مسئله ده » بانه معامله سی مسئله سیدر ، بر خصوصده فکر کزی استرحام ایدمدم .

مومی الیه : شیمدی بن « کمال حریت ایله ، قید کزده استناد ایدمک کندی فکرمی سوبلیه به . بیلورم ، معافیله سزینه قید احتیاط ایله تلقی ایدم بیلورسکیز : نص صریح ایله تحریم اولنش بر مسئله ده بنم کبی بر آدم فصل فکر بیان ایدم . بیلور ، حرام قطعی اولان بر شیده کیسه نک فکر بیان ایدم جک حق واری ، فکر بیان ایدرسه ، فکری مقبول اوله بیلورمی ؟ و بیان افکاره حاجت واری ؟ بن بونی سزه سور بیورم

مقصودکز نه در ، سزك كې برغربك بو مسئله
ایله نه كې علاقه سی اوله بیلور !

« بن حقیقه سکونه مجبور اولدم . مولوی
صاحب سوزنده دوام ایدیور »

اوت : سزی و بزی جمله مزی بو کبی
مسئله لر ایله اشتغاله مجبور ایدن بر حال واردر که
انکار اولنه مزی ، اوده اوروپا لیلرک بزه تعلی
(سطحی بر نظره باقدقه) بانقلرده ترام
ایتمش نقودك قوتیله اولمش کبی حس اولنیورده
بالاخره بزه آنلر کبی بانقلر تأسیس ایدم جک
اولورسه ق ، آنلرک نائل اولدنی قوته نائل
اولورز ظنه ذاهب اولنیور ، بر طرفدنده حرمتی
مسئله سی ذهن مزی اشغال ایدیورده ، بکانه چاره
اولرق باب فتوایه مراجعت ایدیورز .

فقط بجه بو ، خطا ، رفکردر ، بر کره قوت
اساساً بالکنز بارده اولیوب ، بزجه باره دندها
مهم قوتلر وار ، آنلری میدانه کتورمیلی
نایباً قوت بارده اولسه بیله و بانقلرده
آچه جق اولورسه ق ، بزم ایچون ینه مقصده
وصول ممکن اوله مزی ، زیرا اعدالرمزه رقابت
ایده میه جکنز ، آنلر بر کره بو میدان طومش لیر
وبوقدر سندر قطع مسافه ایتمش لیر ، رقابت دکل
آرقارندن بیله کیده میه جکنز .

بم فکر مه قاورسه بز شو اعدالرمز طرفندن
فورولمش بانقلری کچه بیله جک وبلکده بانقلری
اساسندن صا رصه جق قوتلر آراملی ز . ایشته
اصل معرفت بورده اولور ، بانقلر بزه قارشى
الامان دیسونلر . بجه بزه بو غایت قولای
میدانه کلور بر مضاربیه اصولنه تطبیق ایدم رک
فائض سز اقراض خزینلری آچه جق اولورسه ق

آوروپا لیلری حیرتله دوچار ایدر و کندیز
ایچونده شه سز مادی و معنوی قوتلر برلشدیر
مش اولورز ، او زمان دنیاده الک بیوک قوت
بزم قوتلر اولور .

ذاتاً بونکده اسامی شریعت غراء احدیه مزده
وار . و بر آزده زمانه مزه مناسب بر قانونه ربط
اولنرق جزئی توسیعه اولنورسه ، (اوده
ممکن) شمیدیکی موجود بانقلرک بزم مملکت مزده
اهمیتی بیله قالمز ، اجنبیلر بو اسولده بر بانقلده
آچه مزلر . آچه جق اولورلرسه بیله ، بزم
موفقیمزی مشاهده استدکدن صکره باشلایه بیله .
جکلرندن ذاتاً بزه بیوک رقیب اوله مزلر . بو
صورتله ایجاد اوله جق مؤسسات مالییه اهل
اولنیوب مهارت صرف اولنورسه ، نتیجه
موفقیت بوتون دنیایه غایت بیوک انقلاب مالی
میدانه کتیره بیله جکی جزئی بر تامل ایله ظاهر اولور .
فقط نه چاره بزه ایکی عالم بر آرایه اجتماع
ایدوبده تعامل افکار ایدمیز ، ایکی اوج کله
ایله یکدیگر مزی تکخیره قدر جسارت ایدیورز .
سویلر سهك سوز چوق ، افسوس حالرزه صد
هزار افسوس ، بو علما کسوه سنده اولانر
افسوس ، عالم اسلامك حال حاضرده اولان
بوتون ذاتی علما یوزندندر ، اسلاف و اخلاف
هیچ برنی نبرته ایدم ، علماء اسلام ، هب امرا
وسرکاران النده آلت اولدیلر ، من القیم
الی الآن هب علما وظیفه لرنده اهل استدکاری
ایچون : « اسلامیت ، سالکرینه منزل سلامت
اولمندی ، بو کون علما مسلكکنده بولندیقم
جهنله سزه بو سوزلری جرمنی معترف بر مجرم
صفیله بولمکدن مقصدم ، هیچ اولرزه عنداله

تہون مجازانہ بر مدار اولور امیدبلہ در . بن
سزہ دھا فضله سورلر یولہ حکم ، اکر خوشلہ
کز تحمل ایدرسہ :

ماحق فہمز اولان آیت کریمہ ابتدا سندہ :
« احل اللہ البیع » نظم جنیل قرآن نہ قدر واسع
وعام ، نہ قدر مهم بر دستور رحمتی ایکن ، بزم
علماء عظام : « شونی صائمہ بونی آلہ شو نجاست
عیندر فلاندر » دیہرک بر باب مخصوص ایلہ
انسانترک کسب و کار لریمہ ابدی بر حد فاصلہ
چکمشلردر . غریبدر کہ : « صائمہ سندن عالمی
منع ایدرلر . کندیری ساتون آلودہ استعمالندن
امتناع ایتزلر . حالو کہ استعمالی نص صریح
ایلہ تحریم اولمشدر . فلا حول ولا قوۃ الا باللہ .

سزہ تأمین ایدرم . برادر اهل اسلامک
استقبالی ایچون الک بیوک سدری بز علما کسودہ
سندہ اولانلر چکک . باقکز شو هندستان
علماسنہ عوامدن تخریق اولنور حالری وارمی ؟
امین اولوکز ، بز کندیمزی کندیمز او مقام ملان
جو قدن عزل ایتک . لکن کندیمزک خبر من یوق .
بر ملک (پادشاہ) ملک نہ باقازسہ ، مالک

اولدینی مملکت خراب اولور ، ملکککدہ اورادہ
مالک صفتی قلمز ، وظیفہ سندہ اہمال ابتدکی زماندن
اعتباراً او ملک کندینی عزل ایتدی دیمکدر . وکاکم
راع وکاکم مسئول عن رعیتہ بز علمز سو استعمال
ایتک ، بویوزدن بوملتہ کلن مسئولیت بزہ عائددر .

بن بونلری کمال اسفلہ اعتراف ایدیوروم ،
اکر انصاف ایلہ موازنہ و محاکمہ ایدوبدہ بوکون
ہندستان مسلمانلری احوالی بحق تدقیق
ایدہ جک اولور سہق ، اسلامیتک بالآخرہ

مجبویت ایلہ مزج اولنہ دیفنہ کسب فضاہت
ایدہرز . ذاتاً بز زمانلر مجوسلر اسلامیت ایلہ
مشرف اولمشلر ایسہ . مجوسیتدن بز جوق
شیلری برابر کتورمشلر اسلامینہ صومشلر ،
نکاح ولیمہ و حتی ذکر مجملہ ایدہ دخیر اقصات
مغنیات نرم ابتدا بر ملک صوریلہ امر خیرہ
مباشرت اولمشہ . ہیچ شہسز مجوسیتدن
بزہ انتقال ایتمشدر . بوندن دھا فنا حاللر
وارددر کہ : سوبلکدن تأدب ایدرم ، بوکون
بزم علمامن میاندہ دخی معروف بز جوق معاملہلر
وارددر کہ : « دین نامنہ قبول اولمش و عمر کردہ
دینی بر معاملہ ظن ایدر ، حالو کہ اساساً دین
ایلہ اصلا بر علاقہ و مناسبتی بیلہ یوق ، فقط
بز دیانت نامنہ قبول ایتشز ، نعوذ باللہ دیانتندن
بر جزہ دیہرک اعتقاد اولنیور . عوام ایسہ تمامیلہ
دین ظن ایدیورز . شمدی شو مغنیات رقصات
نرم و تغیلری دوام ایدرسہ بوندن یاریم عصر
صوکرہ اعتقاد من طرفندن دین نامنہ قبول
اولنہ جقدر . ذاتاً عمومیتلہ اساس دین بو
صورتلہ تحریف اولمشدر .

دھانلر وار ! نمر . فقط بونک الک
فناسی کندیمزک بو حالردن تغافل و نجاعلمزدر .
برکون کلمہ جک اعنامز بونلری برر برر تعداد
ایدہرک یوزومزہ اورہ جقار . ایستہ اوزمان
عوام بیوک تزلزلہ دوچار اولہ جق ، ایستہ او
زمان بزمدہ یوزلرمز قزارہ جقدر . فقط اوزما
ندامت قائدہ ویرمن و السلام .